

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

14.05.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Արշալույս Սահակյանի դիմումի շուրջըստեղծված նյութերը՝

Պ Ա Ր Զ Ե Ց Ի



2018թ. ապրիլի 17-ին Երևան քաղաքի Աճառյան փողոցի 34 շենքի 17 բնակարանի բնակիչ Ա.Սահակյանը դիմել է այն մասին, որ 2018թ. մարտի 10-ին ճանապարհային ոստիկանության տեսուչի կողմից իր նկատմամբ կայացվել է վարչական տույժ նշանակելու մասին ԱԴ 553090, որի հետ համաձայն չէ, քանի որ եղել է անվտանգության գոտիով ամրակապված: Դիմումատուն խնդրել է անվավեր ճանաչել ԱԴ 553090 որոշումը:

Դիմումի ուսումնասիրությամբ պարզվել է, որ 2018թ. մարտի 10-ին ժամը 17:55-ին Երևան քաղաքի Կ.ՈՒՆԵՑՈՒ փողոցում Ա.Սահակյանի կողմից վարած «BMW» մակնիշի 02 QQ 060 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 6-րդ սպայական դասակի տեսուչներ, ոստիկանության կապիտան Ա.Պետրոսյանի և ոստիկանության ավագ լեյտենանտ Ա.Սարգսյանի կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտիով չամրակապված վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օր-ի 123.3-րդ հոդվածի համաձայն, կայացվել ԱԴ 553090 որոշումը՝ վերջինիս 5.000 ՀՀ դրամ տուգանելու մասին:

Ըստ տեսուչների գրավոր բացատրությունների՝ նշված իրավախախտումն եղել է ակնհայտ իրենց համար պարզ տեսանելի, քանի որ նշված ավտոմոբիլը երթեկել է անմիջապես իրենց դիմացով, իսկ վարորդի պատուհանը ամբողջովին եղել է իջեցված: Սահմանված կարգով Ա.Սահակյանի կողմից վարած «BMW» մակնիշի 02 QQ 060 հաշվառման համարանիշի ավտոմոբիլը կանգնեցնելուց հետո, Ա.Սարգսյանը մոտեցել է վարորդին, ներկայացել, պարզաբանել իրավախախտման բնույթը, պահանջել փաստաթղթերը և վարորդի նկատմամբ կազմել վարչական իրավախախտման վերաբերյալ արձանագրություն: Վարորդը հրաժարվել է ծանոթանալ կազմված արձանագրությանը, ստորագրել այն, ինչպես նաև հրաժարվել է ստորագրել և տեղում ստանալ որոշման պատճենը:

Դիմումի քննարկմանը մասնակցելու նպատակով 2018թ. մայիսի 10-ին քաղ. Ա.Սահակյանը ծանուցագրի միջոցով հրավիրվել է ճանապարհային ոստիկանության ճՊԾ բաժին, սակայն չի ներկայացել:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային

14.05.18

միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ա.Սահակյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Ա.Սահակյանի դիմումը թողնել առանց բավարարման, իսկ ճանապարհային ոստիկանության ՇՊԾ 1-ին սպայական գումարտակի 6-րդ սպայական դասակի տեսուչ, ոստիկանության ավագ լեյտենանտ Ա.Ստեփանյանի կողմից կազմված վարչական իրավախախտման արձանագրության հիման վրա 2018թ. մարտի 10-ին կայացված ԱԴ 553090 որոշումը՝ Արշալույս Սահակյանին հինգ հազար դրամ տուգանելու մասին՝ անփոփոխ:

2.Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան